

## Hujan tingkat paras empangan

Hujan lebat petang kelmarin berjaya meningkatkan sedikit paras air di Empangan Timah Tasoh yang sebelum ini mengalami penyusutan akibat cuaca panas dan kering melampau sejak awal tahun ini.

Pengarah Jabatan Pengairan dan Saliran (JPS) Perlis Abdul Najib Abdulllah berkata, berdasarkan bacaan pada jam 4 petang semalam, paras air di empangan itu adalah 22.23 meter.

"Kita mendapati terdapat kenaikan 0.13 meter terhadap paras air di empangan itu berbanding 22.10 meter yang direkodkan semalam (kelmarin) dan Selasa lalu," katanya. "

Katanya, kenaikan paras air itu disebabkan hujan berterusan selama 30 minit di kawasan tadahan air.

"Walaupun paras air di empangan ini masih kritikal, namun kita melihat berlakunya hujan di kawasan tadahan itu sebagai perkembangan positif selain optimis agar hujan kembali berlaku antara satu hingga dua hari lagi," katanya.



**BEBERAPA** kawasan tanah tinggi di dalam Empangan Timah Tasoh timbul apabila air menjadi cetek.



**PARAS** air Empangan Air Itam susut disebabkan cuaca panas yang melanda negara.